

空同集

二十七卷之三十一卷



空同先生集卷第二十七

北郡李夢陽撰

詩

五言律詩一百首

感述

古意

賞遊

客散

遊兵

省中春暮

觀雪省中

聞砧

旅夜

除架二首

詠史

望極二首

定居

歸沐

春日大梁東郭



雜興

登臨二首

雨後朝望

早春繁臺

早春南郊

郊行

時事

被繫國境眺望

下吏

獄夜雷電暴雨

獄夜

南征

野戰

野泊

舟中病感

安仁聞夜哭

得家書

報生孫

徐汭風阻雨雪四首

徐汭阻舟七日

湖夜泛

廬山冬至聞雷

雪夜廬山翫月

南康聞還山之報

江州雨

霽

七夕宜城野泊逢立秋

撥悶覃園

野風

早起

繁臺歸集

繁臺歸興

正月十六日赴吳庄之宴二首

早春赴鮑相之飲

初春飲大道觀因題

宿江氏庄

題壁

春日余庄感舊二首

雨過

雷電

喜雨客會

晴

曉

早起庄上

庄上晚歸

新秋夜興二首

深秋獨夜

郊園省水二首

余園春日

河上秋興十首

間居寡營忽憶關塞之游遂成七首

夏夜

寄書

春宴

熊子河西使回二首

汴城東樓夏登二首

田園雨蕪客過三首

感述

古意

內廐飛龍馬君王賜玉鞭長鳴彩仗下立在紫駟先

放逐緣何事飄零竟不旋如蒙敝帷顧萬里為君前

賞遊

王者化無外玉門開至今笳閑青海外馬放白登深

漢將收金鼓胡姬弄玉琴宮中花月夜那稱賞遊心

客散

尊傾客自散而我臥空林五月涼風至孤村細雨陰

竹蘿垂野逕花草澹幽襟夢醒聞遙唱依稀楚鳳吟

游兵

聞道新開口遊兵未解圍只須殊死戰莫放隻輪歸

漢月已自滿林鳥常夜飛早將書插羽天子日宵衣

省中春暮

禁漏烟花北分曹御苑西高林落日盡幽院集鴉齊
豈貴浮生越常便靜者棲坐憐春事晚庭草日萋萋

觀雪省中

省葉辭寒盡庭花向暮飄黃雲變玄朔萬里入層霄
灑地紛紛密凌虛脉脉遙北風聊可詠携手不堪誣

聞砧

逸響綠雲起清砧入暮繁秋風吹落月萬戶更千門
寧知寄遠意不盡搗衣竟早晚逢西使流沙隔塞垣

旅夜

百卉已蕭索哀螢胡未休寒天清渭對落月故鄉樓
古人猶涕淚吾意豈公侯離離南去鴈漂泊向何州

除架二首

種豆高於屋垂瓜忽滿庭根深歷夏茂蔓弱望秋零
猥雜沉霜露縱橫礙月星斧斤呼稚子欲伐幾回停

二

炎時忻密葉寒至怨多陰自是衰榮理非關愛惡心
伐條近陽月開燠散秋禽但能存碩果無用嘆蕭森

詠史

霸王雄圖並淒涼世徑分鯨鯢赴巨壑鷹隼失高雲
難折朱游檻休嗟袁紹軍當時干帝紀一一動星文

望極二首

望極雲天黑關門落葉深古城饑雀啞長路斷蓬沉

發婦登樓思孤臣去國心此時看故壘何處不沾襟

二

漢末忠良顯英名李杜齊伏機翻自中倒柄爲誰携
碧海鯨鯢闖蒼林虎兕啼南州徐孺子何事獨栖栖

定居

故業秦山北新居梁苑西平生一丘壑何處竟安棲
玄豹終隨霧神龍或困泥向來登眺夢常繞杜陵溪

歸沐

歸沐謝人事條然悲俗情陰陽爭歲色江海蓄春聲
自委青雲懶那教白髮生君看少年者騶馬盡飛纓

春日大梁東郭

桃柳清沙晚悵然悲遠春葉明深坐鳥花劇轉愁人
少小追懽地乾坤放逐臣已看共如此何惜醉遊頻

雜興

衆木依繁塔吾亭俯蔡河側思雲驥渡不忍忝離歌
窓裏遊天地春前種薜蘿養生誠計拙冥寂保天和

登臨二首

屏迹良吾性逢辰每壯心花含向日霧柳變隔年陰
行坐自芳草依樓還舊林高樓出迥絕無日不登臨

二

春燕不巢屋國祥徵至今孤城四戰地斜日兩河陰
岍坼陳橋斷花開宋苑深河船不入渭那堪望鄉心

雨後朝望

半夜雷驅雨清晨草映空起看南竹樹知是北來風
宿霧籠初日晴天滅斷虹劇心時序晚遮莫傳岩功
早春繁臺

泯泯春猶早行行賞不違柳黃沙際見草色雪中歸
積水生雲氣孤城下夕暉誰禁臺寺望北鴈又將飛

早春南郊

正月郊南路獨行吟早春冰霜猶在眼柳色暗隨人
直道元通蔡層山故蔽秦浪遊今短髮凝望欲沾巾

郊行

午雪融村溢春沙引騎紆田禽忽自起水鶴會相呼

歇馬時傍柳逢花自倒壺醉眸橫落日寂寞宋京都

時事

幸覩三春媚番增兩鬢華賊來當白晝風起但黃沙
碧飈依墻竹紅殘拂檻花寄言寇盜者四海尚爲家
被繫國境眺望

亦知蹋翼鳥豈意尉羅求萬里勞明主孤臣淚暗流
臨京花更苦近苑柳偏愁愧爾雲間燕銜泥向玉樓

下吏

弘治辛酉年坐榆河驛倉糧乙丑年坐劾壽寧
侯正德戊辰年坐劾劉瑾等封事

十年三下吏此度更沾衣梁獄書難上秦庭哭未歸

圍墻花自發鎖館燕還飛况屬炎蒸積憂來不可揮
獄夜雷電暴雨

一雨暮何急孤眠宵未央疾雷翻暗壁落電轉空梁
勢極千山動光還萬里長天威終不測魑魅可潛藏

獄夜

簷景栖栖落臺居黯黯幽鼠緣爭果墜螢過隔衣流
幸竊餘光照那蠲多穴愁亦知廣川子跼蹐爲春秋

南征

暑行心日煩孤馬背中原地勢吞淮泗山形包鄧樊
沿途官柳接吟葉麥秋繁赤日蒸雲夢科頭思故園

野戰

盜賊乾坤滿縱橫野戰悲隨城嚴戍鼓平地有旌旗
樹燕閑相逐垣花寂自垂諸君大河北捷報幾時知

野泊

遠電明江夜官舟野泊稀山鐘天外落林火雨中微
水立黃龍鬪沙霑白鷺饑平生萬里志柰可夢西歸

舟中病感

寒望舟中遠鄉心病後多萬山通越水孤棹雜吳歌
霜已丹楓甚吾如白髮何倦遊常藥物歸思繞關河

安仁聞夜哭

縹緲因風訴哀哀何處音聲隨落月斷聽入過雲深
轉戰增新鬼誅求損衆心懸軍今更急寨滿碧山岑

得家書

隔歲纔通此一書真萬金時危作宦久家遠戰場深
慘慘屯黃霧紛紛走綠林怒來思擊楫時有渡江心
報生孫

強仕今爲祖家書昨舉孫行藏三代具生養九朝恩
長但修蘋藻愚從喚犬豚見時應解笑先夢繞夷門
徐汭風阻雨雪四首

風急江船絕年殘野色凝密雲寒夜拆流霰灑舟燈
四望湖天黑孤吟羈思增匆村有夫婦對火綴魚罾

二

南雪竟爲雨北風增野寒漏船喧夜語攤濕攪晨餐

轉苦人烟絕生憎鷗鷺乾吾行尚濡滯估舶爾應難

三

阻舟江柳下信宿五湖中立水漏吞雨飛沙半逆風
夜檣扶岼集漁火亂波空信有悲懽異應知易地同

四

常年遇泛客煞厭說風波雨雪空江夜伊予悲慨多
沙人荷傘至灘鳥掠舷過幸及投簪會山中有薜蘿

徐汭阻舟七日

七日北風阻野灘舟不行僕奴增餓色妻子話征情
踈霰欺簾入流澌逐浪生獨吟江更苦詩罷欲三更

湖夜泛

烟湖迥不極，搖搖中夜征。棹撥魚龍動，人衝鴻鴈鳴。
雪月物意慘，雨天寒色生。共有舟航事，誰深途路情。

廬山冬至聞雷

小至匡南雨，空江此夜雷。仄憂羣蟄震，急恐萬山摧。
盜賊時事苦，陰陽歸思催。征鴻莫遽起，擬爾北同迴。

雪夜廬山翫月

廬山萬古月，幾度雪邊明。影傍素林滅，層隨寒浪生。
蔽岩疑有缺，侵鵲暗須驚。轉恐羣星妬，冰壺獨自行。

南康聞還山之報

傳玄非侮世，陶令合辭官。客路青陽逼，歸心白髮寬。
江城消雪送，春鴈倚舟看。自此茫茫去，都門昨挂冠。

江州雨

潯陽困李白，吾寓亦江州。地轉濤聲逆，城空山氣流。
二儀風雨積，雙鬢古今愁。去鳥衝烟白，偏凝故國眸。

霽

日霽催江色，心攀作楚氓。褰帷二載過，歸劍五湖情。
霜換湓溪葛，林遷栗里鶯。忍看復新月，廬岳夜猿鳴。

七夕宜城野泊逢立秋

漢江天上水，牛女世間宵。自動竈鼉影，誰傳烏鵲橋。
孤城古塞月，一葉楚門潮。君看西流火，分明奪斗杓。

撥悶單園

秦客楚山北，秋園古堞西。野風吟萬木，禾徑臥孤麕。

江漢歸舟迫關河落日低可留吾便醉爲愛白銅鞮

野風

山鳴野風至漢水白蕭蕭月澗魚龍醒雲蒸豺虎驕
有家驚節物不寐想前朝萬古英雄跡江城夜寂寥

早起

炳燭搖襄水開門認楚山風雲慘淡曙天地有無間
露益他鄉白秋隨老髮還飛來何處鶻逸翮繞江關

繁臺歸集

萬里竟何事三年違此都短墻殘菊在別業古臺孤
冬日低簷塔霜風靜野蕪但看頭盡白莫恡酒重沽

繁臺歸興

臺榭歸來地江山戰後心城空猶募馬樹在只棲禽
看岳晴偏近俯河寒更深風沙日日起梁父爲誰吟

正月十日赴吳庄之宴二首

林臥百無事出城綠底希人初正月會春已柳條歸
就日蛛垂戶開尊蜂坐衣不知農話久天地一斜暉

二

爲赴吳庄飲因成禹廟遊任車驚草綠坐石有雲流
落日銜春嶠飢鴻集暮洲已扳頻載酒屐轉問花丘

早春赴鮑相之飲

憐汝一尊酒要予千古臺年從碧草換暖向玉杯來
海日連波動江鴻帶雪迴衆賓無處起吾醉欲徘徊

初春飲大道觀因題

日月浮生改山河此殿餘酒因儒彥至春入洞雲虛
何藥曾祛老求丹尚問書白頭風物裏爛醉是真如

宿江氏庄

黃昏水鶴叫沙頭人跡稀天清看月近野闊帶星微
客語喧庄犬風燈靜夜扉持醪忽自哂出郭每忘歸

題壁

客到惟雞黍農情愛汝真隔城因下榻墻野合留賓
騎苑沙明月鞭橋柳弄春忍能辭一醉天地漸風塵

春日余庄感舊二首

圃勝元因主花繁更屬晴醉重今日酒啼變隔年鶯

遇樹每共坐尋香時自行晚看風色異天地一令情

二

名園多感激繼至轉芳菲節恨清明逼人憐故舊稀
暖烟低野淨雲日度花微莫漫愁春賞吾今已拂衣

雨過

賈誼有
早雲賦

倚杖河城暮林園雨過清斷絲猶舞燕入葉已沾鶯
無惜聲連夜何妨坐到明早雲吾欲賦愴惻爲蒼生

雷電

丁丑年十月十
三日是日立冬

雷電交冬夜滂沱徹曉聞老夫偏不寐起立迥看雲
濕重菊垂檻鳴哀鴻趨羣明朝傳太史應有紀祥文

喜雨客會

萬物今逢雨吾堂晚集賓寒聲催電至猛力攪風頻
坐看水平席歸防泥沒輪沾濡無自苦憫憫是農人

晴

雨好晴亦好灑然詩興新雲分天欲斷日晃地如伸
濕入紅渠重乾回菜蓀勻趁時樓可上萬里不風塵

曉

北斗脚下地東星明漸高霜初被山岳霞已閃波濤
塞鴈能羣過隣雞只亂號不眠聊自待紅日上林臯

早起庄上

為農起常早每與雞鳴期露重花偏得林深鳥自遲
飛星當面過落日向人隨玉珮金門外遙憐待漏時

庄上晚歸

萬動各有息吾亦念吾棲鴉翅昏猶接花蹊曲欲迷
茅堂烟火外稚子竹林西自笑忙何事還家每宿雞

新秋夜興二首

微風入枕簾林卧仰看星露氣秋元白天光霽益青
草虫攢暗壁螢火閃踈櫺那解蕭森節都從一葉零

二

猶記初朝歲寧知遽數秋庭梧碧自落晚蕙弱誰留
門閉人同夜心西火共流閒眠亦反側霜露隔松楸

深秋獨夜

獨夕偏聞鴈悠悠寢復興林堂下微月風色暗踈燈

遲暮心難已悲涼氣轉增憂來理琴瑟腸斷舊朱繩
郊園省水二首

莫辨田園路聊遵水國遊物情真困雨吾道本滄洲
避濘紆尋徑逢深屢借舟草玄亭好在坐數自來鷗

二

斬木聊供釣當流且着闌雞豚各惆悵鵝鴨爾能寬
松菊陶元亮江湖陸務觀兼之吾過矣魚鳥鏡中看

余園春日

市居常少出花日復多風萬古繁華地三杯感慨中
步畦憐小摘攀樹惜初紅靄靄微雲外哀哀何處鴻

河上秋興十首

古有蕪葭客吾今水一方茅齋寒淅淅洲渚鬱蒼蒼
獵騎捎河鴈歸人競野航霜高木葉下莫擬是瀟湘

二

坐送登臨目晴空鳥路長秋雲不近苑官樹自成行
河洛來天地人烟接渺茫采蘭空澤裏彼美在何鄉

三

日上秋林靜江清旅思微黃葉雨後積白酒客來稀
今古三川地乾坤一布衣獨行吟望苦沙鳥背人飛

四

名城急鼓吹野處散秋烟衆草莽零落孤松羞自妍
山川亂明水雲日媚高天何事楊朱子臨岐獨泫然

五

後代看今代今人即古人空傳歌舞地不見綺羅春
宋嶽饒寒草梁臺起暮塵蒼茫白鷺渚瀟洒類閑身

六

白馬瓠子口秋風汾上歌帝鄉不可見千載白雲多
樹動江帆至雲前塞鴈過滄洲無盡極慷慨有漁蓑

七

十載宋梁間雞鳴望四關月來天似水雲起樹爲山
朝市今何處流波去不還高秋未歸客腸斷濁涇灣

八

一爲梁地客忽及授衣天野靜寒烟白沙鳴暮雨懸

飛龍過絕浦立馬看長川望望蘋花盡鷗行若箇邊

九

積雨催搖落江村菊自秋驚風振大壑夫鴈下寒流
暗水斜穿竹孤雲晚抱樓虞卿足簡帙白首傲公侯

十

不寐傷寒節孤吟繞菊行月沉李家浦雨入宋王城
颯沓楊柳落斷續寒蛩鳴泛泛中河艇誰知此夜情
閒居寡營忽憶關塞之游遂成七首

牢落居庸道蒼茫六載還開軒延漢使對酒話燕山
鳥道增新戍天梯護上關白城烟火切鎖鑰未應閑

二

西崦千家落防秋五百兵山長元入塞澗曲故穿營
靜夜聞熊鬪黃昏報虎行昔時快歷覽三駐白洋城

三 沙嶺為黃華東路

沙嶺長園入羊腸宛宛斜石危偏駭馬草動數驚蛇
古樹兼今樹岩花雜澗花向來行塞日親見五陵霞

四 是為西路

往年趨北路今繞秦陵西晝黑垂蘿密山青禁木齊
獨僧攀杪出惟鳥趁陰啼寂寞黃華堞遙臨古塞溪

五 黃華牙將張桓

孤蓬絕塞口匹馬戍城前跨迴烟墩直綠危石棧連
飛雲下獨石逝水入潮川舊對張軍帥題詩醉菊天

六

銀山湯嶺北鐵壁斗門邊虎守千年寺人看一線天
赤崖崩古塔陰洞圻新泉尚記漁樵侶長歌過馬前

七 弘治辛酉二月之望宿銀山寺觀鄧隱峰詩刻

春遊臨絕嶠月出臥空岑暫逐山中客常關物外心
三峰藏淨宇百里羨雲林崕際劉高隱何時一重尋

夏夜

閣幔霑初霽雲姿淡夕扇涼蟾輝遠樹昏墜下流螢
久靜通幽理沉思損性靈昔人渾未達白首著玄經

寄書

驛使殘年發家書向夜封當衢慙駉裹涉水憶芙蓉

紙短情難盡鄉遙恨易重孤燈遲明發寒月下踈鐘

春宴

白首聞歌異豪心遇酒多酒當花歛灑歌與燕婆娑
暝色侵臺殿春風換綺羅未須愁薄暮吾借魯陽戈

熊子河西使回三首

是時甘軍殺都御史許銘

偶遇西河使真傳塞上情一春常凍雪千里半荒城
未斷匈奴臂猶勤哈密征重聞帳下變無語對沾纓

二

絕塞田誰廢甘州稻舊畦荒屯惟見兔破屋不聞雞
磧石烽烟北祁連戰鼓西平生邊務意一一願封題

三

舊說窮源使人今出武威葡萄應啖足沙棗故携歸

燧火真樵面胡塵尚黯衣問君春塞鴈曾過玉門飛

汴城東樓夏登二首

身世吾垂老中原北上樓陰陽真去鳥天地本虛舟
王屋千峰伏黃河一線流晴沙暮浩浩羨爾自行鷗

二

危樓六月上樽酒四天開俯看高雲動涼疑海雪來
巒光杯裏見島影檻邊迴不見芒碭氣空深吊古哀

田園雨燕客過三首

車馬人來地田園雨後心頽垣踈柳臥漏屋野花侵
稼穡悲生事琴樽伴苦吟自無農圃學不敢怨商霖

二

地下經年雨田乾滿目蒿繞離荒苦竹小架剩葡萄
闌寂人還至壺觴興並高草途烟欲暝猶遣貫村醪

三

廢塢懽能勝羣游百任為持竿探乳雀擲石打黃鸝
落果呼兒拾逢花折自隨黃昏休擬駕郊月已曾期

空向先生集卷第二十七

空同先生集卷第二十八

北郡李夢陽撰

詩

五言律詩四十八首

排律二十九首

感述二十三首

大道觀會飲三首

春日漫成

人折牡丹見贈賦之

客至二首

春宴二首

壘前韻二首

丙戌中秋召客賞之以雨多不至者

丙戌十六夜月

東園偶題

南庄塘木綠漫補治小舟乘興泛逸數迴

月槐之下與程生談亦念其夏遊自去歲

秋雨夜起

聞鴈

喜雪

嘲雪

雪晴

暑夜

詠物二十五首

風

春夜雪

餘雪

春雪時 帝在宣府

立春日雪

鸚鵡

詠部鶴

詠鶯

詠白兔

鴈

衝鴈

白鴈

襄中見鴈

菊

菊時一種數本其一逾秋獨妍爰及至日黃

華韡然當庭見者駭嘆携酒來賞予賦二詩

菊遲

丈菊和王左史

葡萄

聞蟬

詠蟬

詠庭中菊

小燕

小雀

小鵲

排律二十九首

華嶽二十韻

新秋值雨十韻

五月大雨省中八韻

紀變二首

冬日靈濟宮廿六韻

簡何舍人二十韻

少傅西涯相公六十壽詩三十八韻

在獄聞余師楊公誣逮獲釋踴躍成詠十韻

赦出館李員人別業顧侍講清暨注編脩俊

俊弟編脩偉許在訪不至十韻

赦歸冬日宴劉氏園庄十四韻

冬至劉氏園庄十韻 冬野觀射三十四韻

六月豫章城角樓宴集二十六韻

鄱陽湖十六韻 哭徐博士二十韻

南浦驛見官押送來降韃靼詣桂林

貢院雨夕東僉寮內江李君十四韻

龍沙遇毛君武亭再餞

秋日訪王生山中因與携酒躡嶠探蠻王洞

觀古刻遂踰嶺造峴石而飲二十二韻

寄陸子深二十四韻 送陳憲使淮上兵備

寄贈余子 雨宴別封丘弟

黃君五十六歲始舉一子是年予亦有次郎

黃冬官也厥父尚書予故得侈其家世

秋日城東陂餞汪三 贈王秋官二十四韻

雪臺子家見杏花 贈復齋子二十韻

感述二十三首

大道觀會飲三首

敞閣元無暑清林更著烟人觴金像側馬繫石門前

壁草侵衣冷壇花落酒鮮丹青半磨滅何處問諸天

二

殿閣生秋早壺觴散客遲蟬吟松露下鶴入島雲隨
塵世人堪醉蓬萊路竟疑羨門如可作願與跨青鷺

三

與客寒瑤草開筵傍洞花盤堆白石髓觴瀉赤城霞
靜悟陰陽轉衰從髮鬢華看君有仙骨倘許授丹砂

春日漫成

豪真欺酒綠老每厭花紅人事年年異春風物物同
雲霄猶旅鴈時序又新菘潦倒元吾分金尊莫放空
人折牡丹見贈賦之

俗眼開爭折花心抱自知色新兼露至香在有蜂隨

老病傷春日乾坤倚杖時落紅紛紛點點忍把出群枝

客至二首

宛宛酒船至依依小隊過亭於草玄近溪比浣花多
繫馬穿芳樹持杯向碧蘿更謀泉上飲無遽促鳴珂

二

訪隱春行早衝風野興豪鹿銜初出草鶯坐半開
一叟烟霞僻群公位望高浚郊元此地今日又干旄

春宴二首

物與吾何異春隨地不同游歌盡墨客亭榭半花風
身世一杯外山河雙眼中無言時未夏已報石榴紅

二

老爲春憐酒閒將客問花檻揚晴故雪堦藥晚能霞
地與歌鶯轉人爭舞燕斜但來須共醉莫使負韶華

疊前韻二首

昨與君游處今來訝不同早荷浮嫩水夏樹起初風
人醉孤亭上禽鳴萬竹中興深天亦助斜日片雲紅

二

舊徑添雙樹新叢試一花春風逗笑語落日變雲霞
圃色隨人遠樓陰趁酒斜誰知在塵境遽尔隔紛華

丙戌中秋召客賞之以雨多不至者

隔年期月易一夕借光難秉燭筵非改登樓客不懽

竹風秋聽力松雨夜留寒天柱峰頭色應還似畫看

丙戌十六夜月

是夕微雲中天遂朗因憶往時京華賦詩有清

虧桂闕一分影寒落江門幾尺潮之句人多傳

誦彼吾少俊今遽老醜并前詩忘之矣亦以集

未收載

月豈無晴夜天終有散雲微微透今夕朗朗至宵分
鏡展池波暈珠明草露文呼兒暖餘酒酌罷一鴻聞

東園偶題

孤亭萬木裏獨坐一花飛老更知春色間能到夕暉
微風偏嫋蔓返照故燠衣隔院香逾好呼兒莫掩扉

南庄塘水渌漫補治小舟乘興泛遶數迴
久懷浮海意偶觸濟川心一艇方塘繞杳然春水深
槿花能泛泛雲日故陰陰還艤綠楊下番憎黃鳥音

月槐之下與程生談亦念其夏游自去歲

月出槐初定風微影尚搖念離仍是夏拚坐忽分宵
星斗來天近塵沙去路遙別情兼望雨白首夜頻翹

二

旱時偏苦熱沙國每愁風今夕客談處孤槐清月中
露凝天故白榴近夜能紅明發衝南暑逾江莫更東

秋雨夜起

簷雨響不絕披衣中夜興寒聲壓高閣濕氣逼踈燈

一鴈叫何處數蛩吟可憎誰能奮長劔割破黑雲層

聞鴈

慘澹胡風起連鳴上碧霄纔聞秋浦外已復夕山遙
哀故欺霜角清應斷夜簫南樓有思婦夢恰到西遼

喜雪

老健裘能著寒吟雪故行袖承花數出屐蹴霰求聲
飄卽諸山壓填應四海平久知三白貴吾已十年耕

數上聲

嘲雪

恠爾梁園樹先春忽自花態多低復起形弱直還斜
祇解光迷鶴無能色變鴉玉樓銀闕裏汝敢闖瑤華

雪晴

餘雪且休騁高空微欲曛盈盈看玉樹澹澹入黃雲
奮激鵬連起啁啾雀自群嚴風暮益發天隙認星文

暑夜

微月通簾閣疎星下檻塘樹陰交進濕水氣暗生涼
歲月一陰長乾坤雙鬢蒼北窓聊復爾敢謂上羲皇

詠物二十五首

風

鈴閣晚猶急月窓宵漸輝稍驅雲霧散翻重雪霜威
起坐爐須擁晨看木盡稀徘徊問氣勢恐逼漢宮闈

春夜雪

獨客初春夜孤城急雪時戰風纔白地欺月已平池
數聽鴻飛亂虛愁花發遲世無戴安道誰見剡舟移

餘雪

飢鳶側目過餘雪且紛紛風起惟催霧天空故縱雲
回聲捎竹細疊片壓枝分憂國非吾事占年亦自欣

春雪時 帝在宣府

鴉鳴曉雨至零亂忽成花著地融難白隨風弱易斜
色應疑燕雀寒恐滯龍蛇塞路今休擁春風返翠華

立春日雪

獨有梁園雪風花賦裏寒娑娑遇春日醉起倚樓看
鳥動紛離樹人來故上闌相逢亟農事誰暇問袁安

鸚鵡

鸚鵡吾鄉物何時來此方綠衣經雪短紅嘴歷年長
學語疑矜媚垂頭知自傷他年吾倘遂歸爾隴山陽

詠部鶴

寄跡含香舍淹情嘉樹林長鳴如有訴狎俗到如今
不染風塵色常存霄漢心會應王子晉接爾向嵩岑

詠鶯

嫋嫋花絮亂交交黃鳥歸慙慙度碧葉迴轉惜金衣
不向艷陽語似傷儔侶稀王孫多彈射莫羨上林飛

詠白兔

趯趯來何處爰爰上玉堂不因丹竈躍那覩雪毛香

晝日行疑月炎天卧有霜異時歸搗藥莫礙廣寒光

鴈

旅館經花夕哀鴻時一聞孤鳴元趁侶亂語欲驚群
漸起隨邊角遙傳隔塞雲更深何處落斜月轉紛紛

衝鴈

可恠鄱湖鴈昏飛猶自群乍翻還近舸忽起盡隨雲
浦闊看宜小山長去不分祗疑南下盡猶阻北書聞

白鴈

八月白鴈至中宵聞爾哀亦知先伴起無爲報霜來
月靜飛難見雲深去不回故園消息斷愁病轉相催

襄中見鴈

秋風羣鴈過萬里順歸毛搖落已如此雲霄空自高
盈盈拂楚塞冉冉影湖濤定出邊烽裏哀鳴嗟爾勞

菊

日麗秋霜白天清野菊黃亦知甘隱逸偏得近壺觴
屢折元因醉斜簪一任狂乾坤傳舍耳節賞莫思鄉
菊時一種數本其一逾秋獨妍爰及至日黃
華韡然當庭見者駭嘆携酒來賞予賦二詩
節過諸芳盡冬深爾獨妍那知冰雪候復啟菊花筵
蕊凍黃逾嫩枝踈綠更鮮試令彭澤見應費掇英篇
二
正色干巖候殊姿破暮寒名均梅自妬節晚竹同看

歲月陽回易冰霜爾立難無言載酒客繾綣近闌干

菊遲

吾家數叢菊節近未含姿種日人同早開時爾較遲
編籬護密葉繞砌嗅寒枝切恐重陽至無錢足酒卮
丈菊和主左史

丈菊今朝得低垂九尺闌發遲冬已破移早露猶團
食蕊寒難及憐芳仰屢觀縱令他處有爭伴醴筵歡
葡萄

舊幹踈曾訝新條密更垂苑花深悄悄風葉漫披披
馬乳秋同摘龍鬚世豈知相傳自西域種雜至今疑

聞蟬

空同集卷二十八
九
夏林疎過雨秋意爾能知響入雲俱迴聲迴風故吹
抱貞惟隱葉避害屢跳枝多少垂楊裏爭吟日暮時

詠蟬

孤清不自掩浥露且風吟漸送炎蒸月那知獨苦心
傍齋棲樹穩響葉度雲深已信一枝足何須上國林

詠庭中菊

亦隨群草出能後百花榮氣爲凌秋健香緣飲露清
細開疑避世獨立每含情可道蓬蒿地東籬萬代名

小燕

小燕群騰壘朝游夕每歸踏枝搖復穩疑路止還飛
日月銷黃口風雲長黑衣吾家廬室隘好向玉樓依

小雀

黃口青條上翩翩索哺頻解飛猶赴母真性不疑人
列鼎肴俎待空城彈射巡野田禾黍徧何處不宜身

小鵲

簷際翻翻鳥將雛喑喑行攬眠真懊惱傳喜不分明
化印何年就填河幾日平徒然盛生息群噪每能晴

排律二十九首

華嶽二十韻

有嶽雄西土三峰插渭川省方朝白帝分野障金天
逝矣威靈赫遐哉秩望虔百王開寶籙七聖演瑤編
綺殿丹青列文窓俎豆聯風雲蒸大壑日月避層巔

鶯舉天門闢鰲呿地軸旋巖巒莽翁杳嶺嶂鬱縣翩
猿掛仙人掌羅飛玉女泉霞雰夕的爍錦繡曉相鮮
葛藟搖金壁芝苓冒紫烟石膏滲復結鍾乳滴猶懸
右壓秦胡壯南包漢鄧偏徒追散馬日緬憶祖龍年
箭括通神戶雲臺秘妙筌豈惟棲鳳侶亦以遜鴻賢
方士騎茅狗宮人採石蓮褰帷瞻窈窕挂笏悵攀緣
陰井邀雷馭陽崖起電鞭聊遊凌絕頂不爲學神仙

新秋值雨十韻

積雨塵營寡端居羈思繁火流驚暗換鶴濕想孤鶩
鬱暑終收雷新涼已被煩覓詩謝眺閣高枕右丞軒
簷溜衝花落籬湍卷葉奔隨龍動玉闕辨馬失金門
胤案螢那聚歐齋蛩已喧造朝踈雨具邀友阻吟尊
塞國柳應盡上林花幾存忽思禾在野躑躅望朝暾
五月大雨省中八韻

五月行秋令新寒奪盛溫萋萋雲色暝颺颺雨聲奔
啓戶涼風進臨溝驟浪喧連山浮海氣大陸走河源
已阻金門謁疑將華屋翻夜更燈燭坐晝輟簿書煩
豁霽思長劍歸栖憶故園解誦愁霖作泥中非遁言

紀變二首

元年建申月慧出掃寒芒勢掩旁星布光於中夜長
連斥竟大老密奏合文昌台以司空坼星知上將亡
流通人事邈仁愛帝心藏忽憶臨崩詔看天淚數行

太白今宵見光芒何太明經天復晝見國難且胡兵
度影休銜闕低空幸隱城天高聽亦下人勝運須更
避歿惟皇切推輪遣將誠羯奴行就縛飛慰諒閭情

冬日靈濟宮十六韻

貝闕崑崙外浮生此路疑蓬萊移禁國塵世出瑤池
萼爾雙仙跡飛騰後晉時論功竟恍惚識兆且逶迤
慈惠精靈託呼噓霹靂隨先皇親議號繼聖必修辭
爵陟王侯上尊同帝者師龍禱分內錦宮女準昭儀
雨露宮城切星辰天仗移琳琅搖繡拱松柏蔭丹墀
瓶內金花踊龕前紫鳳垂晴還日月秘暝則鬼神悲

玉鼎推龍虎瑤編述姹兒漢惟樂大顯秦竟美門欺
五帝非無術千齡今見誰累朝盟誓冊玉櫃少人知

簡何舍人二十韻

黃扉通內閣左順切文華密勿君臣契尊崇禮數加
詞頭存故事國體與宣麻奏絕銅函密封非墨勅斜
四門欽舜闕箕日鄙唐邪乾斷人心協風淳主德遐
萬方咸就日六合迥爲家司馬元牛走卧龍曾兔置
吹噓振羽翮變化奮泥沙邦計思劉宴兵謀愧左車
分番春扣闥捧牘晚歸衙影拂垂城草香携出苑花
讐經違白虎投筆困青蛇每憶仙池鳳私慙省樹鴉
拘羈那有適追琢異無瑕不忍醒爲醉胡由玉倚葭

聖朝巢父耳荒里邵平瓜稔抱丘園欲私祈紀運嘉
鳴文極燕許熙載老姬牙帝澤川歸海浮雲莫蔽遮

少傅西涯相公六十壽詩三十八韻

龍馬千年會崧高萬古神負圖魯翊聖間氣又生申
穎拔元無敵清修況絕倫生來近日月齟齬上星辰
懷橘休前輩探鰥祗後身早承金馬詔竟冠玉堂賓
講幄時霑醉宮坊數賜珍文章班馬則道術孟顏醇
絕藝鬻斯上高情頡籀隣一揮驚霹靂隻字破風塵
絢練王侯宅蒼茫海嶽濱幽劒光沕窟巨榜照嶙峋
星燦將軍碣雲垂學士珉岬題半吳楚墨刻徧齊秦
振鷺天衢麗登龍野服臻諸生彌濟濟夫子益循循

江漢誰堪濯桃梅自有春空傳馬融帳真慕介休巾
憶昔逢先廟援公輔大鈞至人虛密勿君子以經綸
商鼎調和切虞廷吁咈頻八方生氣象萬物荷陶甄
日宴離黃閣雞鳴侍紫宸羨分紫駝背袍錫錦麒麟
顧命留元弼今皇禮舊臣屹然匡社稷公論在朝紳
鶉首星躔徙龍飛歲序新風雲回甲子天地慶茲辰
却老形如鶴憂時髮若銀含悽麾賀客雅志爲蒸民
愚也蓬蒿士蕭條塞鄙人猥蒙嘘弱羽從此躍塗鱗
原憲終多病彭宣晚見親臨洋徒嘆惋學步轉遭迤
寶繪開蓬島清歌頌大椿微洎寧溢海撮土詎增岷
古意同如此中懷托具陳願爲金石鐫末末濟迷津

在獄聞余師楊公誣逮獲釋踴躍成詠十韻
六苑中丞府三邊大將旗先皇親授鉞報主獨舉帷
朔漠威名壯風霜鬢髮衰功高元避賞道大不容時
丞史輕周勃朝廷重子儀未論遭鵬鳥先已縱塗龜
北固潛夫早東山起謝遲蛟龍沒海闊日月倒江垂
杖履金山寺文章鐵甕碑終頒陸贄詔四海漸瘡痍
赦出館李真人別業顧侍講清暨汪編修俊
俊弟編修偉許枉訪不至十韻

開業傍仙宮逶迤金闕通綵雲偏近日瑤草靜含風
野性耽沉寂携遊想數公秋林葉自落露井果猶紅
搖筆憐清景吹簫望碧空寒山萬井外滄海五陵東

卻笑籠鵝侶番成失馬翁生涯真畫餅故舊各飛蓬
對食懷金馬開筵刻玉童不知東閣士清論幾時同
赦歸冬日宴劉氏園庄十四韻

脫難旋疆里行歌入宋中陰陽雙轉轂天地一飛蓬
憶昨遭拘繫悲傷途路窮鄒生猶雨雹列子竟乘風
歸作墟中叟來從河上公壺觴聊假日村塢坐書空
卜築劉園麗芳菲漢苑通冬亭饒霧露陽井下霜虹
候煖水挑熟林空晚柿紅玉芝穿曲檻青篠蔽虛櫳
樂極悲心發時違感慨雄古人隨蔓草吾道付冥鴻
去魯情難忍遊梁跡豈同重思竊符子攬淚宋門東
冬至劉氏園庄十韻

曖曖寒城曙，絲絲野徑紆。初陽升古戍，白露靜園蕪。
欸客葉尊並，開堂松樹孤。登高望雲物，極目散江湖。
孟澤虵龍伏，芒碭鴈鶩呼。行藏虞氏傳，勲業阮生途。
且盡留連飲，休嗟序運徂。群虫迎節動，百卉待春蘇。
日月悲羈旅，乾坤識故吾。寄言招隱者，斯地有潛夫。

冬野觀射三十四韻

繁臺一名講武臺

雲驥橋邊路，繁臺寺畔亭。登臨壯古昔，時序嘆沉冥。
乍見芳草歇，那堪霜霰零。冬殘柏自秀，春逼柳先青。
叨有衣冠會，能教酒盞停。狂將賓作主，興與醉爲醒。
講武仍存記，威弧合準經。鵠違遵取解，豨獲放懸庭。
矢勁風推疾，弦開月避形。奔狸失故窟，矯鶴墜生翎。

疊發無單中，虛歸必染腥。叔才羞縱送，蒲弋媿娉婷。
末德矜先捷，高賢哂一丁。雖非尚力藝，亦異養心靈。
改服遊荒寺，携壺扣寂扃。雪光搖凍薄，冷鳥下昏汀。
宿鷓爭崑坎，鳴鐘出石櫺。哀因樂乃發，慮以道爲寧。
憶昔遊梁始，伊余實孺齡。探鐸遊汴館，懷橘向王廷。
十五飛觚翰，冠年志典刑。彎弓獵草澤，走馬向林坰。
頗類沙頭鴈，還慚水上萍。謬隨朝日月，過舉犯雷霆。
擯斥傷垂鵠，棲遲學聚螢。無論顏灼灼，已是髮星星。
岩眺殘雙屨，川游寄一舲。烟霜日慘慘，河漢夜泠泠。
感舊聊今詠，勞歌啓後聽。世情真箭括，吾意竟雲駟。
嗜武非良節，摘文豈至馨。緬思羨門子，求慕令威丁。

海帝金銀闕江妃碧玉瓶終當別茲土長嘯入滄溟
六月豫章城角樓宴集二十六韻

逃暑宜高會登城復此樓開窓萬里盡近檻一江流
域勢銜天闊山形抱郭幽登臨出百越指顧見東甌
暇日群公集飛軒六月秋管絃邀落景觴竿散清眸
俯粵雲偏擾迷波地欲浮時花紛浦淑昏鳥識林丘
忽在三辰上真超萬象遊寰區憐溷濁車馬鬱喧啾
解帶烹魚飫揮毫藻麗酬微風閒白羽岍憤送沙鷗
自昔觀中宇洪都實上游匡廬巍萃嶽彭蠡浩漭漭
節鉞唐開府春秋楚大州文章滕閣最風節穉亭優
下榻塵埃滿鳴鑿樂事收濤聲還粉堞草色自芳洲

已有興亡感兼懷盜賊憂羽書諸道急節制大臣留
立見鯨鯢戮私防玉石仇干戈沉戰艦風浪羨歸舟
河嶽縈三晉秦關啓二周凭闌慙後食彈劔想前修
解組陶公性思鄉王粲愁獨嗤非燕頤猶自說封侯

鄱陽湖十六韻

太祖平陳日樓船下此湖波濤留壯色天地見雄圖
水上開黃屋雲中下赤鳥士猶詢後載戈已倒前徒
力屈鯨鯢仆聲回鴈鶩呼橫江收玉筍跨海定金符
文軌遙通楚梯航訖至吳虎賁雖莫敵龍戰豈全辜
血染猶丹草骨沉空白燕汀洲夜寂寂霜月鬼嗚嗚
殺氣鼉鼉徙腥風島嶼孤罾人拾古鏃艇客慨秋菰

偉彼高光烈，還將蕭鄧須。英謀協睿筭，勇奮想長驅。
劔瘞神仍玉，舟焚勢與徂。康山魏廟在，忠武激頑夫。

哭徐博士二十韻

乾坤風色暮，江漢哭斯人。棘寺翻飛日，文園久病身。
數竒官竟左，材大命須貧。放浪原違癖，羈淹祗爲親。
赤城終羽節，璧水暫儒紳。鵬鶚偏垂翮，鯨鯢不縱鱗。
回殂豈道薄，屈憤轉時屯。藥石魂能返，龍蛇識亦真。
楚狂嗟鳳鳥，魯叟泣麒麟。邂逅京華始，風雲氣象新。
遙鵝陪玉筍，倚馬接華裯。宅燕南陽月，花吟東部春。
回頭成宿昔，開眼漸風塵。妻子今誰託，文章後益振。
王喬跨鴈鵠，傳說化星辰。松柏丘墳岬，灰沙劔馬陳。
閭門寒擊甕，吳水痛沉珍。宿草扁舟阻，生芻絮酒伸。
碑非蔡邕愧，誄豈仲宣倫。獨把延陵劔，吞聲淚滿巾。
南浦驛見官，押送來降鞬。詣桂林

欵壘因王化，投荒荷主恩。官爲供廩餼，詔許挈兒孫。
瘴雨凋胡服，蠻鄉引塞魂。分明共日月，耐可異乾坤。
慘澹顏容變，軒昂故性存。彎弓望五嶺，似欲遂平吞。
貢院雨夕柬僉寮內江李君十四韻

鎖院春霖積，分司湖水遙。萋萋灑書閣，藹藹度空寮。
葉洗臨軒翠，花含向客嬌。扣簾時攪食，翻卷夜焚膏。
竟誤朱衣點，那防白鼠跳。蛟龍雲雨會，牝牡冀群挑。
忽有同宗念，爰申獨處謠。涕流真慕賈，兵論每凌晁。

意氣陳雷許時名李杜超暫違萌鄙吝相憶減丰標
草徑青迷馬楊津綠漫橋樓臺迴暝色江海劇風潮
恒切毛錐嘆常懸寶劔招橫鱗詎池沼鷓鴣快雲霄

龍沙遇毛君武亭再餞

羈鴻常慕侶谷鳥友先求不盡龍宮興番成虎帳遊
夏深濃岼柳雨減出蘆洲棹艤北沙穩山迎西戶幽
江湖半落照風水獨離憂舊部群公薦新符自粵州
天浮洞庭闊海盡日南流白首今遙別金尊莫倦留
秋日訪王生山中因與携酒躡嶠探蠻王洞
觀古刻遂逾嶺造岼石而飲二十二韻

舊見今相聚新秋爾一過我尋龐氏鹿本美右軍鵝

草木踈孤岼霜風落漢波紆徐習池轉嶮峭寺林多
道噐沉冥蘊天倪吐吸和違群甘衆吻守一賴神訶
貧擬懸鶉憲廉持訓蚪軻甲橐魏世業章甫發賢科
獻策蕢偏斥逃名籍每醜巨魚行縱壑隻鳳且遊阿
嫋嫋交簷桂菁菁被隰莪柴門伴老衲蕪徑謝鳴珂
園賁幽人吉鷄盤碩士邁卜隣王翰欲懷里仲宣頗
去就堪余哂生涯奈路何昔人竟誰在吾道合狂歌
逞醉探雲嶠逾巔憇石窩洞昏剝字蘚巖裊掛巾蘿
一水寒明練千峰暮集螺笑疑搖地軸手可拂天河
窈窕奔山鬼光華掩珮娥豫防羲馭速取辦魯陽戈

寄陸子深二十四韻

爲復淹邦邑旋仍寄海城一看東柳月幾喚北江鶯
地濕身曾健潮誼寐果驚烏情終急嘯驥子竟何成
踽踽形將影滄滄弟憶兄累朝誰直筆四海獨蒼濱
前漢留班史雲間挺陸衡餐揮巨口鱸卧聽九臯鳴
方朔元金馬長門足長卿文章會琬琰舉動必鏗鏘
夜有青藜引晨趨華蓋行數甄楓禁切視草藥階清
夙昔鄱陽使伊余擁幘征雲霾負嶠虎風湧駭波鯨
黯黯川原血轟歷玉石傾衣冠函竄突戟劔憂摩爭
卽幸緘書達猶慚虛左迎扶搖冀奮翼驟裏忽垂纓
混沌玄黃戰陰沉日月精負山亦按獄谷口合歸畊
早見羞張摯交讒似屈平竟陳徒憤鬱高義祇拘儻

茫渤任公釣緱岑子晉笙吾衰尚餘此長嘯舞霓旌
送陳憲使淮上兵備

世徑轉蓬勤清秋袂一分攬綏霜日肅前路鼓笳聞
誅卯元兼武出師非乏文渤光搖組練淮色變風雲
陣偃龍蛇互威行虎豹群檄須陳記室客有孟叅軍
校獵歸常月投壺醉每曛推牛將士飽賣劍婦男耘
河伯黃樓壓芒碭赤氣殷徐人信慄悍楚壤鬱氤氳
諸盜山東起長驅宇內焚斯邦實元元朝論日紛紛
挽漕初疑阻提兵竟策勲瘡痍鑿不遠喉脇仗須君
鷲擊豺狼伏春敷草木薰異時功業地壩海接江漬

寄贈余子

余子去吾久行藏今若何黃山住實近白髮爾應多
身以煙霞癖心通日月和龜蒙元倚釣康節竟成窩
林壑潛虬日江湖放鷁過鄉人欽杖屨世路笑風波
初度臨黃菊高筵敞薜蘿橘陳屈子頌鶴擬李生歌
日落峯回色雲香客半醅壽杯思欲把惆悵隔三河
雨宴封丘別第

飛蓋凌晨集行宮映雨開天爲歌鼓動霧拂舞筵迴
賓客梁王盛山河故國哀長沙悲舊傳屠市隱真才
憶昔兒童聚惟今老大催達人元曠逸萬物且形骸
樂混寒聲沸尊添暝色來斜風霑綺席踈點灑金杯
雜逞龍仙互先爭虎豹推轉眸丹旭日覆手下秋雷

尚有權娛歎須防禮法猜門衢泥淖莫遣引燈回

黃君五十六歲始舉一子是年予亦有次郎

黃冬官也厥父尚書予故得倣其家世

異骨成何晚真毛產固殊雲移丹穴種霧滃渥洼駒
驀隋懷中月俄橫掌上珠試啼存大鑑摩頂協玄符
彌月翻身健暮年認父呼聿曾提俎豆詎但識之無
鄉里論前輩尚書挺後模終於金石貫貽厥鬼神扶
冠玉元諸子含香矧丈夫急流棄軒冕長嘯卽江湖
人每占瞿後天應福趙孤外家邠老裔晚境樂天雛
瑞擬連胎蚌賢期返哺烏星辰追履上詩禮紹庭趨
抱子誰非足憂時爾實迂向來顛種種今始覺于于

失路均浮梗爲鄰獨守株弄璋亦偶爾獻璞欲何須
滂俟兒童長虛愁日月驅龍豬吾暇較天地幾桑榆

秋日城東陂餞汪三

聚首仍何處分襟復此陂衣冠屯綠淑笳鼓截清漪
自爾爲三益伊予畏四知周交醇稷飲車坐衆賓嬉
嘆息今遲暮那堪古別離池臺杜甫徧舟楫謝安移
棹撥天疑破窓旋岬欲隨涼風下菡萏人語避鳧鷖
暫輟蕪葭唱眞生霜露悲但看眼前事能負手中卮
歎邑誰黃髮汪門汝白眉少游梁孝苑老動季鷹思
杳杳憐江海悠悠悵路岐餘霞散錦繡落日湧琉璃
雲物秋元異懽娛夜更追寒蟄依斷梗微月隱踈籬

逸氣衰猶壯睽心醉不支淚深南浦草愁重北梅枝
飲罷還持袂潮平是去時相尋有遙夢應繞碧湖湄

贈王秋官二十四韻

紫氣開三極皇風穆四陲巉嶢金虎地瀟灑白雲司
柬拔才賢入飛騰位望推呂條元慎罰虞典固先疑
聿自刑書鑄相沿律令垂歷朝徒異議聖代實宏規
域皞麒麟至囹空狴犴離群居搜簡帙高揖講黃羲
眷此驂騑種曾於汗血知鯉庭眞獨授鴈塔果爭馳
爾在通家子予慚私淑師豪驚文考賦智讓孝娥碑
道路分雙旆江湖把一麾閣清霜並肅車動雨徧隨
禮樂徵王粲聲名采杜詩大龜終納錫威鳳合來儀

振珮游香署，裁冠侍玉墀。臯陶淑問日，季路片言時。
汝遂青雲致，吾寬白髮悲。仕途迂謬逐，丘壑太平宜。
但看陰陽轉，寧論桑海移。雪溪王子棹，竹墅謝安碁。
顯晦誰能料，流行每若斯。寄言諸彥，碩努力赴前期。

雪臺子家見杏花

九陌春風起居庭，一見花偶來。吾下馬先有客停車，
猶是輕寒日。那禁爛熳霞，覓詩巡獨樹。汎酒摘高葩，
色故流衣袂。香能染帽紗，眼中俱是幻。身外豈須嗟，
冷暖隨人事。行藏付物華，明朝約重賞。莫遣落塵沙。

贈復齋子二十韻

豈謂懸弧日，今逢獻襪辰。丁亥十一月十九日冬至梅樽初介壽。

葭管暗浮春，王國多賢者。朝廷是聖人，八荒元皞皞。
皞七世益振，振北斗天元氣。南陽帝近親，方城鬱律律。
律江漢白粼粼，憶昔生申甫。崧高實降神，一陽消長意。
七日往來因，刻志耽經史。忘形下縉紳，座無絕纓客。
客門有曳裾，賓楚醴朝朝。設梁園事事，新心於業遂。
廣性以學而淳，禮樂河間竝。文章子建隣，八公傳訣日。
日三老述年，晨瑞霧濛朱閣。香塵擁畫輪，筵開金玳瑁。
瑁烟裊玉麒麟，避地淹叢桂。停雲詠大椿，力耕知稼穡。
寶苦節愧儒珍，欲振扶搖翮。其如潦倒身，呂稽千里駕。
駕終擬託雷陳。

空同先生集卷第二十八

空同先生集卷二十九

北郡李夢陽撰

詩 七言律詩七十首

大禮六首

赴郊觀宿

西壇候 駕卽事

桂殿

感述六十四首

秋懷八首

新秋見月

晚晴郊望

曉詣西壇候 駕

扈從耕籍

謁陵

雪後朝天宮

春晴憶湖土

郊行

河發登望

時景

見雲雷垂垂不雨悵然有作

聞旁郡雷雨

盜賊

喜雨命酌

晚晴步園

正德辛未四月十七日簡書始至於時久旱

甘澍隨獲漫爾寫興

旅泊雨夕聞鴈

日照

杪夏急雨江州

繁臺春集

就居避隘般移之日雨乎適至厥時久燥

出郊

探春

野園

冬歸繁臺別業漫興

雪日繁臺院閣酒集

雪後上方寺集

歲暮五首

春暮丁丑年作

夜風堂前冬青架仆折其二榦曉雪驟至

戊寅早春上方寺

無題戲效李義山體

蒔植甫畢風雪遽至漫爾有作

爲園

晚秋明遠樓宴集

新年作次喻監察韻

甲申元日試筆東友

九日詣東庄遇水則舟之同黃子符李二生

正月大雨雪遣懷

陶君誇其分司桃花獨樹予往觀之賦此

和君席上海棠賞之二首

庄上看花歸見庭中海棠落英與客同賦

春日過黃公新堂 夏日

陶公過曹濮分司見叢菊蔓草中移之自隨
有詩傷之豈以為家物耶予覽而和之

正月四日始出赴黃子之宴南隣何儀賓以

美醪助杯即席口占

陶王二君來賞牡丹 冬日學司偶見庭菊

晚秋東庄宴集 二月望留雲閣雨集

海棠爛然要諸君子賞之分韻得壺字二首

雨中海棠 艮嶽篇

大禮六首

赴郊觀宿

城邊水色靜春芳苑外鶯啼拂露梢萬戶烟花臨複
道九天宮殿鎖南郊霓旌夜發清溪繞彩仗晨飛碧
樹交身到鈞天渾不解坐聞仙樂下雲旂

曉詣西壇候 駕

萬宇沉沉曉漏催九關魚鑰遲明開闐闐鼓角空中
起片片爐烟霧裏來氣結龍文隨御幄風傳虎旅發
仙臺叨從百辟觀周典不向秋風數漢才

西壇候 駕即事

太歲宮高接禁墻先農太燾兩相望陰陰背日朱旗
閃黯黯參天翠柏長別殿爐烟清幄次虛壇草色淨

文字穩秀

空同集卷二十九
三
渠張祠官指點躬耕地田畷行瞻袞鉞光

扈從耕藉

天行近野團龍蓋萬姓環門識袞袍竟畝難寬卿相
力藉耕無乃聖躬勞侵壇碧草茸茸起去殿紅雲冉
冉高已忝賜筵思報述即陳潘賦愧詞曹

桂殿

桂殿芝房曙色通垂垂苑柳綠烟中桑乾斜映千門
月碣石長吹萬里風已有金吾嚴御陌遙傳玉輅下
齋宮侍臣鵠立松陰裏時倚紅雲望碧空

謁陵

本朝陵墓傍居庸聞說先皇駐六龍一自玉輿回朔

廣侍制以此精而

深渾有伴

結句頌美有情

漢遂令金殿鎖秋峰明裡袞職雖多預備物祠官豈
盡供報祀獨知今上切每於霜露見愁容

感述四十一首

秋懷八首

龍池放舶他年事坐對南山憶往時紫閣峰如歎太
白昆吾山自繞皇陂雙洲菡萏秋堪落亂水蒹葭晚
更悲谷口子真今得否攀雲騎馬任吾之

慶陽亦是先王地城對東山不崑墳白豹寨頭惟皎
月野狐川北盡黃雲天清障塞收禾黍日落谿山散
馬群回首可憐鼙鼓急幾時重起郭將軍

宣宗玉殿空山裏野寺霜黃鎖碧梧不見虎賁移大

物主精銳

疑而而能派
此擬是於池水以不甚似力
工

內尚聞龍舸戲西湖芙蓉斷絕秋江冷環珮淒涼夜
月孤辛苦調羹三相國十年垂拱一愁無
苑西遼后洗粧樓檻外芳湖靜不流亂世君臣那在
眼異時松柏自深秋雕闌玉柱留天女錦石秋花隱
御舟萬古中華還此地我皇親為掃神州
胡奴本意慕華風將校和戎反劇戎遂使至尊臨便
殿坐憂兵甲不還宮調和幸賴惟三老閱實今看有
數公聞道健兒多戰死暮雲羌笛滿雲中
大同宣府羽書同莫道居庸設險功安得昔時白馬
將橫行早破黑山戎書生誤國空談裏祿食驚心旅
病中女直外連憂不細急將兵馬備遼東

曾為轉餉趨榆塞尚憶悲秋淚滿衣沙白凍霜月皎
皎城孤哀笛鴈飛飛運籌前後無功伐推轂分明有
是非西國壯丁輸輓盡近邊烟火至今稀
崑崙北極轉天河獨馬年時向此過渥洼西望迷龍
種突厥南侵牧橐駝黃花古驛風沙起白雪陰山金
鼓多况是固原新戰鬪居人指點說干戈

雪後朝天宮

馬上城中見雪山白雲蒼霧滿燕關蓬萊只尺無人
到松柏黃昏有鶴還當日翠華游物外百年金殿鎖
人間浮塵擾擾江湖遠悵望巖棲不可攀

新秋見月

起句景真而氣逸

憶在黃河草堂靜坐臨秋月孤娟娟水門蕭條向蘆
葦石瀨逶迤回舸船頻干祿食去多阻遠望江湖情
可憐傳語魚龍莫浪喜抱珠今夜且須眠

春晴憶湖上

湖上晴烟積雪春柳條湖水接芳新林鶯恰恰稀逢
侶岸日暉暉低向人汀芷渚蘭暄自碧浴鳧飛鷺晚
相親弄移白日思漁舸嘯倚青雲愧此身

晚晴郊望

早時鳴雨晚細微忽有返照來荆扉山禽水禽交止
語桃花梨花相逐飛村村柳條弱欲斷家家麥苗青
不稀睡起登樓時極目出雲歸岫願何違

郊行

二月梁園獨未歸岸花汀柳各依依且將弱纓牽行
騎莫厭繁香點客衣蝶暖蜂暄從自得鳥黃沙白爲
誰飛平生湯有憐芳興未老能令萬事稀

河發登望

七月七日河水發康王城邊秋可憐買魚沽酒此村
口打鼓鳴鑼何處船白晝蛟龍時一鬪中流日月晚
雙懸紛紛估客休回首漁子清歌會渺然

時景

梁苑桃花寒復開塞門霜雪鴈飛迴天涯涕淚秋偏
墮歲暮陰陽老更催無病過年遊五岳不眠終夜望

三台歸鴻漸木終非地濁浪滔天首重回

見雲雷垂垂不雨悵然有作

大梁城東雲出雷振風拖雨故徘徊黃鸝坐樹深無
語紫燕銜泥阻未迴卽恐孝娥爲早塚不聞神女傍
陽臺火雲西日垂垂暮屋隙愁看返照來

聞旁郡雷雨

尉氏陳留雷雨深大梁猶繫望霓心當堦蟻亦愁
思對面班鳩空好音河朔樓臺安避暑塞垣金鼓助
沾襟江籬憔悴黃塵滿寂寞魚龍何處吟

盜賊

勅書新調蜀襄兵漢北關南寇未輕密邇千斤竹查

嶺不聞蒲四石頭城秦州卽易通王貢棧道終難拔

漢旌安得較如曹相國務農休甲賀昇平

竹查山劉
千斤叛地

也蒲四成
化間叛賊

喜雨命酌

毒熱兀兀滯梁城不眠聽雨到天明沙田易涸應全
賴稂莠雖鋤却更生年稔不須防盜賊家貧兼得免
經營紛披檻竹迎余笑遮莫尊醪起自傾

晚晴步園

覽霽羣芳媚小園步林斜日淨幽軒歸雲過雨時
濕竝葉牽風對直翻幸有桑麻供暮景苦聞豺虎徧
中原天開霞石熒熒晚瓦雀林鴉各自喧

正德辛未四月十七日簡書始至於時久旱
甘澍隨獲漫爾寫興

苦蒸草午汗交頤昏暝雨飛如颺絲舟楫自茲杳將
去波濤滿意復何疑璽書况屬臨門日江漢須看放
舸時肯信吾遊兼吏隱五峰彭蠡是襟期

旅泊雨夕聞鴈

季秋鄙岍陰陰雨殘葦折荷翻白濤此夜孤舟聞鴈
語隔雲何處認風毛隨陽定慣湖波險避弋真驚塞
角高南去北來同一旅世情人事莫蕭騷

日照

日照江煙翠欲重夢迴沙觀始鳴鐘浪於洪郡思洪

子豈合松門有赤松萬事寸心徒計較兩間衰髮且

從容靜來陟覺忘言好把酒看花意每濃

洪都以洪
厓名松門

山在新
建縣

杪夏急雨江州

急雨吞江倒石根吐雲匡岳近城門驚雷不下雙蛟
鬪孤電能開九疊昏白晝黃濤翻庾閣蒼崖翠木溜
陶村乘時詫有扶搖力六月東南見化鯤

繁臺春集

小徑綠臺春自花重堤飛閣盡雲沙能將白髮隨流
葦奈有清壺遣歲華斷塔草垣增閨寂古城芳岍起
欹斜忽驚旅鴈思南北海色邊愁入暮笳

空同集卷十九
詩
僦居避隘般移之日雨乎適至厥時久燥
土市子東曹門西衡門之下聊栖栖古堂踈豁還高
榻故國行藏有杖藜已多佳樹琴書靜復值炎天雷
雨低幡幡麥秀真堪喜阮籍途窮未足啼

出郊

簡懶經秋此出郊野煙霜日靜衡茅林樾葉盡青猶
實陂麥苗齊綠自苞堤曲獵狐穿雪窟塔巔彈鶴落
風巢隨心樂事非難取舉眼平生覺易拋

探春

老去探春每怕遲酒朋棋伴日相追無心柳絮當人
起有意桃花背馬隨臺榭草蒿離亂後往來絃管古

今悲幽岕尚慮殘梅在玉笛丁寧莫放吹

野園

春來無雨風常顛野園諸花更可憐輕車快馬此何
日弄藥攀條看遠天撲酒遊絲低細細近人閑蝶過
娟娟真知白日繩堪繫莫使孤城入暮煙

冬歸繁臺別業漫興

莽壙孤城此卜居宋臺梁苑獨行予虛名馬愧千金
後白首螢憐萬卷餘踏麥遠堪寒葉翠看梅無那臘
花舒相逢莫漫嗔吾放野醉郊吟盡可書

雪日繁臺院閣酒集

臘朝筵向雪邊開倚閣風從萬里回枯樹故當看處

濕飛花偏隨掌中杯山河文物他年賦今古衣冠異
地材舉目蕭蕭改天色玉梯扶醉更登臺

雪後上方寺集

雪罷園林出碧梧上方樓殿靜虛無日臨曠地冰先
落雲破中天塔自孤爛熳此堂人醉散一雙何處鶴
來呼邀留更待松門月今夜同君坐玉壺

歲暮五首

萬木蕭蕭俱歲暮疎梅修竹可憐風三河晴雪飛鴻
裏四海孤城返照中白首園林惟闕寂紫塵車馬自
開通誰堪物序驚前事况復馮高歎廢宮

臨除絃管益紛紛考鼓撞鐘處處聞蜀錦越羅連夜

製綵蛾花勝逼年分流傳自是豪華地悵望能堪日
暮雲澤草芊芊已新色鴈南猶起北風群

堂北融泥雲氣生堂南枯樹兩禽鳴冰霜眼過風須
轉歲月心懸老自驚辭臘酒憐此舍餽迎春花欲上

階明壯圖迴首今遲暮點檢塵埃笑拂纓

嘆往嗟來祗自癡未衰那卽髮如絲同朝鷓鷯雲霄
隔故國松揪道路疑園草喚愁偏勃勃檻梅偷臘故
垂垂端居寂寞無饑帶強食栖遲有一枝

歲當癸酉廬山曲冬盡扁舟記獨棲湖海合冰龍畫
立谿林壓雪虎時啼陰陽晴晦雙過鳥南北行藏一
杖藜今日中原對河嶽暮雲回首楚江西

春暮丁丑年作

歲歲花時出醉歸傷心今日復芳菲善開朱杏非雙
葉懶轉黃鸝只自飛海內詩朋官罷減城中酒伴病
來稀庭枝爛熳催春暮日午風香獨倚扉

夜風堂前冬青架什折其二榦曉雪驟至

冬青手植年真久冷日寒姿頗映堂追悔木闌晴未
補忍教風榦夜俱傷亂階朱實離離靜什雪青條舊
禕長翹首高雲憶松柏後凋溪壑轉蒼蒼

戊寅早春上方寺

地闊城空春自幽青松黑塔雲常浮入門鈴磬忽一
發暇日臺池聊共游連錢沓來誰氏騎白玉競浴何

年鷗醉筆要知吾湯興明朝休用碧紗留

無題戲效李義山體

曾倚清酣奏綵毫象牀冰簟玉樓高徐娘老去風情
在班女愁來賦興豪秦柳日斜傷滑曲楚蘭春暮怨
湘臯仙根寂寞崑崙遠浪詭人間有碧桃

蒔植甫畢風雪遽至漫爾有作

草樹新培置藥闌醉吟閒凭足心寬豈虞辰雪娟娟
布無那春枝颯颯寒猶有一花當坐媚幸留雙柏與
人看日晴紅綠應全勝爲勸先生且放餐

爲園

平生走馬呼鷹地白首爲園學種瓜碧草故要安石

空同集卷二十九
言
殿青天常滿邵雍車圍闌換土心真苦繞菊依松徑
不斜昨遇日晴閒自步別蹊桃李又風花

晚秋明遠樓宴集

斜日層城合暮烟新晴高閣敞秋筵衣冠四海追游
地霜露中原感慨年去鳥來鴻凭檻外飛雲落木把
杯前回身忽在星辰上醉眼真疑到九天

新年作次喻監察韻

新年雨雪亦太恁十日中無一日晴豈應雷電除夜
作復爾天鼓東南鳴諸軍幸擣蓮池穴太將宜堅細
柳營幾欲臨風撫長劍白頭還自笑書生

甲申元日試筆柬友

人生五十驚衰醜五十從今又數三老漫更何防市
虎少狂曾亦濫朝駮鸞鷲舊侶俱鳴珮鹿豕深山自
結庵短髮不須憂重白吾居元傍菊花潭

九日詣東庄遇水則舟之同黃子符李二生
出門萬水吟風葉挈友重陽上野舟數月雨陰今白
日一身天地此清秋逐時庄菊花初放應節村杯酒
暫酬晚暮更催雙棹返汴州誰信有滄洲

正月大雨雪遣懷

梁園春初雲不開雪花壓城滾滾來似有驅龍朝玉
闕豈無騎鶴下瑤臺光牽五色黃煙動勢擁三河白
浪迴欲向瓊樓問寒暖袁安久已卧蒿萊

陶君誇其分司桃花獨樹予往觀之次其韻
老懶今來特為花花奇親見主人誇入門風片時時
墜近酒春枝故故斜湖海一尊憐舊侶乾坤雙鬢愧
年華明朝許赴柴門約共醉東園萬樹霞

和君席上海棠賞之二首

老興看花不厭頻折紅攀綠總怡神孤枝鮮動雙樽
影數朵能回四座春誰遣物華成歲色自多人世有
閒身年來斷酒因脾濕為爾還應暫入唇
餅中海棠亦太劇細小翠擁臙脂深穠姿故薰欲醉
眼芳信暗傳嘗苦心偶逢一枝已自惜若臨全樹更
須吟花時不道天無意一日常橫半日陰

庄上看花歸見庭中海棠落英與客同賦

三日野花風打稀朝游酒伴暮醒歸臨門天桃不汝
惜當院海棠胡自飛已憐錦繡半鋪地更訝芳香時
點衣便應與君酌明月醉眼天地生光輝

春日過黃公新堂

黃家新堂逼春起紫燕尋巢時自來久陰煙雲眼底
豁乍晴河嶽窓中開物情野色且幽寂日光人意能
徘徊持杯布席就芳草醉深同卧林邊苔

夏日

稍喜夏來天日晴遽看諸物盡生成纍纍杏實攢高
赤赤榴花坐小鶯晝夜寒暄猶混雜乾坤清濁固

分明留賓酒茗吾能供春筓滿林今更生

陶公過曹濮分司見叢菊蔓草中移之自隨
有詩傷之豈以爲家物邪予覽而和之

野館寒芳抱自知好吟公子發秋悲春風世路元桃
李霜露鄉關有髮絲三嗅草萊行復立數株車馬載
還隨東籬可謂君家物竹帛勲名晚節垂

正月四日始出赴黃子之宴南隣何儀賓以

美醪助杯即席口占

杜門常日追游少新歲初筵獨請君幸有隣家能過
酒况多賓客善論文樓臺霽日斜含雪竹樹和烟暮
閣雲入夜不歸雙燭秉近尊猶喜落梅芬

陶王二君來賞牡丹

同城何苦不同懽况復春風到牡丹香滿正宜携酒
問色深番奈近燈看綵雲紅霧晴長擁澹月微霜夜
故寒任使群芳妬傾國古今須讓百花冠

冬日學司偶見庭菊

凍雨晴霜爾自開偶逢私恨過秋來違時只爲含中
色入藥終須顯上才已許數花卷袖采能分一本向
籬栽冬巡若憶重看約莫使文輶觸雪迴

晚秋東庄宴集

郊園秋晚只風林冠蓋群遊是盍簪楓葉近尊朝映
日菊叢淹坐暮橫陰煙霞故引旌旗色鳥雀應疑簫

笛吟月底金鞍散歸馬野雲回首少微深

二月望留雲閣雨集

今年花朝花爛開春風細雨臨高臺繞闌紅濕舞英
重隔窓黃門流鶯迴連日霖霖地已足薄暮風雲天
更來眼看萬物歛生色爾我胡惜黃金杯

海棠爛然要諸君子賞之分韻得壺字二首

繞樹巡簷興恨孤緜紅繁綠似渠無童知小徑晨先
掃客有高軒夜特呼已拚落英欺舞袖更堪歌鳥勸
提壺幸能老去花常健遮莫尊前醉共扶

春深花樹爛模糊花下朋游酒一壺帽側故拳輕朶
插席安仍取積英鋪日烘擾擾蜂能趁煙動關關鳥
更呼客散獨燒高燭照老來真自咲狂夫

雨中海棠

憐花常欲報花安醉眼冥冥雨自看朶朶胭脂深更
濕杯杯竹葉滿須乾等閒細片休輕落率尔春風且
恁寒朝爲行雲暮仍雨凌波獨立汝應難

艮嶽篇

宋家行殿此山頭千載來人水一血到眼黃蒿元玉
砌傷心錦纜有漁舟金繒社稷和戎日花石君臣棄
國秋漫倚南雲望南土古今龍戰是中州

空同先生集卷第二十九

空同先生集卷第三十

北郡李夢陽撰

詩 七言律詩七十首

遊覽四十二首

潼關

題雲臺觀

榆林城

出塞

武昌

江行

泛湖

南溪秋泛三首

遊西山歸呈熊御史卓

出輝縣城望石門山其上有仙潭玉鯉

盤山道中作

遊上方寺晚登鐘樓

王孟寺北望

賢隱寺

開先寺

瀑壑晚坐

五百石貴溪

東華山贈友

龜峰寺

別龜峰

鉛山石井

鉛山陸趨宿南岩寺

自新喻馬赴新淦方等寺晚飯

快閣登眺

麻姑山

題玄壇觀

將至安仁

看廬嶽

楚望望襄中形勢

繁臺雨望和田生

大梁城東南角樓

晚過禹廟之臺

題黃公東庄艸堂

少林寺

望少林次韻

宿少林次韻

暑日過雪臺子園庄

城東陂秋泛

立夏後晴遊我庄

徐將軍園亭

詠物二十八首

清明下糧廳題杏花

柑至

菊

牡丹盛開羣友來看

冬至菊

王左史宅賞冬菊

乙亥春郊圃牡丹盛開韋子離茲倏爾四載

實兄蒔藝成功約客往賞屬雨發詠焉

人有送牡丹花至者與客同賦

牡丹賞歸東邊王仁霖遙想郊園牡丹

郊園餞御史許君屬牡丹盛開

看牡丹晚移席草堂再贈許君

王左史宅賞牡丹郊園牡丹復花客往

夏日盆荷階葵芬敷率爾成句

山行見梅谷園二月梅集

梅下限韻作賞歸憶谷園梅

詠蟬和清明後見燕

秋日觀白雲生率爾成句

和李大隔牆元子家海棠次其韻

同雙溪方伯詠石几石几再賦

詠陶臺使蘭陽公廨五色葵花

詠餅中柏限韻為崔後渠詠棗竹亭

游覽四十二首

潼關

咸東天險設重關閃日旌旗虎豹聞隘地黃河吞渭

水炎天白雪壓秦山舊京想像千官入餘恨逡巡六

國還滿眼非無棄縹者寄言軍吏莫嗔顏

題雲臺觀

雲臺觀枕玉泉湄翠削三峰對不移窻裏山光時隱

見晚來雲氣壁淋漓醮辰絳節朝羣帝天路金童引

鳳螭頭白掃門憐弟子斲松石礙白苓滋

結是作家語

榆林城

旌干嫋嫋動城隅。十萬連營祗爲胡。不見坐銷青海
箭。盡言能挽繡虜弧。白金獸錦非難錫。鐵券貂璫莫
浪圖。昨夜照天傳砲火。過河新駐五單于。

出塞

黃河白草莽蕭蕭。青海銀州殺氣遙。關塞豈無秦日
月。將軍獨數漢嫖姚。往來飲馬時尋窟。弓箭行人日
在腰。晨發靈州更西望。賀蘭千嶂果雲霄。

武昌

武昌城北大江流。沱水夾城鸚鵡洲。楚蜀帆檣風欲
趁。蛟龍濤浪暮堪愁。青烟自沒漢陽郭。新月故懸黃

鶴樓。無限往來傷赤壁。三分輕重本荊州。

江行

江行日日隨風雨。日日迎風帆不懸。頗怪蛟龍懼出
沒。更兼鷗鷺劇連翩。窓開浙浙棹書濕。岫轉冥冥竹
纜牽。迴合萬山心目破。撇漩誰忍向湖烟。

泛湖

匡廬彭蠡曲相連。伐鼓蠻歌趁進船。屏見雲橫石壁
淨。鏡開日破浪花圓。漁樵山澤堪時給。盜賊干戈枉
自纏。遣帥已添新節制。指揮行見掃風烟。

南溪秋泛三首

聞說南溪徑尺魚。漁人何事網常虛。魚行碧葦深先

見網入寒潭迥不舒東舍刈禾搖夕浦西隣決水溜
秋渠平生肉食憂空切此日臨淵意有餘
乍見鸛鷗立釣磯還驚翡翠掠波飛汀葭晚宿濛濛
霧野竹晴含宛宛暉謝傳未忘舟楫興楚臣空戀芰
荷衣蒼茫水落雲泥靜悵望林翁却自歸
却向林亭觀水磴暫移沙舸躡雲堆奔湍迅轂元相
激石竇桐標故不摧旋影動搖波底日斷聲吹轉地
中雷何人解識機心事後世徒矜造化才

遊西山歸呈熊卓

高閣開襟生遠興西山當眼更分明酒邊花樹三春
暗湖上風林盡日清憶昨並穿巖洞入只今疑繞薜
蘿行浮生擾擾非吾意去鳥悠悠空世情

出輝縣城望石門山其上有仙潭玉鯉

明星欲落開縣城千峰萬峰初雪晴源泉亂石涓涓
溢削壁孤雲裊裊生估客深穿猛虎窟樵夫習傍翠
巖行仙門屹立三潭水玉鯉空懸一線情

盤山道中作

磴道晴雲雪草春石門丹壁鬪嶙峋聞雷不羨蛟龍
起避地畚將虎豹鄰少室山人虛素價壺關三老實
藏珍烟花白日經行處鴻鴈冥冥嘆此身

遊上方寺晚登鐘樓

東北叢林冠此都地分清寂聚僧徒青天寶塔還今

古赤日珠光乍有無。草徑鷺軋時獨立。松林鶴並晚
相呼。登樓更見河流急。嘆世因悲馬負圖。

王孟寺北望

在郟城縣南

暑路塵沙淹客心。晚原臺榭慰登臨。西山日抱重簷
落。汝水雲移盡棟陰。盜賊兩河猶轉戰。朝廷萬載莫
輕侵。懷芹欲獻江湖遠。北望徒傷北極深。

賢隱寺

在信陽州

谷寺鳴鐘午未深。耽幽特與伴相尋。行穿樹杪樓臺
見。坐傍山腰紫翠沉。獨響澗泉傳石竇。並飛梁燕入
松陰。徘徊自笑三江客。佇望誰知萬里心。

開先寺

讀書臺倚鶴鳴峰。迴合千山翠萬重。白晝懸泉喧霹
靂。清秋雙劍削芙蓉。撐持古寺還雲閣。寂寞前朝自
暮鐘。瑤草石壇應不死。興來真欲跨飛龍。

瀑壑晚坐

醉踏匡山晚未遲。翠巖丹壑凜秋姿。峰高瀑布天齊
落。峽靜星河夜倒垂。遠害欲尋麋鹿伴。暫羈終與世
人辭。磨崖徧剔蒼苔讀。獨坐雲松有所思。

五面石貴溪

東華山北五面石。削成五面何嶙峋。崩崖鼠糞何代
雪。陰洞苔滋千古春。映日閃閃上雲氣。步天渺渺昇
仙真。草衣木食亦吾志。放浪胡爲羈此身。

東華山贈友

午時叱馭踰重險薄暮捫蘿到絕巔四海風煙落日
外萬山閩越酒杯前劇傷嶺谷旌旗滿暗憶家園道
路偏自古有人同戮力吾曹須擬太平年

龜峰寺

弋陽縣南山下寺三十二峰羅列竒最愛紫烟生石
鼎絕憐青嶂削靈芝。峭岬哀壑還人世古往今來自
鬢絲已遣野場維玉騎合留岬月照金卮。石鼎靈芝並峰名

別龜峰

江山龜峰天下稀挈朋貪賞夜忘歸冠裳他日思丹
壑車馬平明發翠微歸路竹蘿偏拂憶出山雲氣故

隨衣杳然一笑憐踪跡自不投簪願孰違

鉛山石井

吁嗟此巖太竒古雲牙石乳相拄撐碧泉中洞晝亦
黯青草倒垂冬尚生即令入海信誰遏祗恠出山常
底清減促桑柘會欲落猗此可濯慙我纓

鉛山陸趨宿南岩寺

北風越南山木稀關西宦子常念歸遠烟漠漠谷日
暝前路迴迴冬燒微村春冰旋疾徐應灘鴈夜驚高
下飛鐘鳴騎合岩寺近松火竹深開石扉

自新喻馬赴新淦方等寺晚飯

趨途暝雨已忽霽入寺晚飯烏將栖仲夏稻苗特裊

九言集卷三十 七
曩黃昏松桂何淒淒流年遠村換物色曠野青天悲
鼓鼙峩峩百丈屹在眼策馬欲攀交虎蹄百丈山有范椹山房

快閣登眺

江上冥冥風浪生閣中清眺會儒英野舟冒險只自
度汀鳥避人時一鳴四海登臨吾白髮萬山迴合此
孤城劇談轉切憂時念日苦春浮雲况北征

麻姑山

冒險探深雲霧收麻姑山水冠南州潭深自激風雷
黑谷迥誰羣鹿豕游仙女石壇殘欲沒魯公碑版斷
仍留可憐踪跡俱塵土兩日溱雲霄萬古流

題玄壇觀

江行晝靜便清暑水口山竒鎖吉安真爲天生饒恠
石遂令人擬築玄壇潭渦地轉常年黑樓閣岷懸五
月寒風牖把杯聊暫倚海蒸雲起故須看

將至安仁

安仁古岸又河濱細柳濃烟密弄春花發北山翻盜
賊眼昏南國且風塵盤渦浴鷺綠誰喜下瀨雙帆他
自親破浪會看風萬里采薇應許畢閑身

看廬嶽

春時看嶽落星洲夏來看嶽復江州獨行稔負烟霞
伴久住非貪麋鹿遊石室丹書吾異世錦屏雙劍晚
遮樓登尋擬縱涼天目一葉飄飄江漢流錦屏雙劍並峯名

楚望望襄中形勢

楚望峯頭望楚雲。遙憐紫蓋紫陽君。廬荒不斷盤龍
氣。碑滅猶存墮淚文。地轉江淮浮遠戍。木同巴峽斲
雄軍。里名冠蓋非吾事。願訪鹿門麋鹿羣。

繁臺雨望和田生

感事逢時恨不稀。水城寒食半花飛。青郊白馬朝誰
並。細雨輕帆晚自歸。何計上賓留鳳馭。是時有孝貞
太太后之喪無書北狩挽龍旂。是時帝
在宣府層臺獨上休翹首。牢落江
州易濕衣。

大梁城東南角樓

城樓占角分孤峻。野色生烟合杳冥。華夏亦爲元社
稷。古丘曾是宋朝廷。直看紫極雲霾壯。背觸黃河風
浪腥。日暮馮軒益愁思。夷門今有少微星。

晚過禹廟之臺

暮行群過禹王宮。瑟瑟松林靜入風。步競石梯秋獨
徙。眼收沙海月還空。聲名比上青驄客。潦倒中原白
髮翁。杯酒重傷分手地。古今踪跡本飛鴻。

題黃公東庄草堂

草色通門柳覆牆。繞堂新雨足時芳。晴郊客過沾猶
濕。春晝人間覺更長。拚引滿杯聽鳥哢。願留餘醞待
花香。休誇水際兼山際。且醉松傍與竹傍。

少林寺

林深谷暝窅子入鐘鳴葉落秋山空烟雲細裊石澗
底巒岫亂積松窓中唐碑漢碣蘇字剝虎啼猿嘯羅
燈紅獨坐悠悠息塵想少室影下月出東

望少林次韻

三十六峰雲氣通何峰寺西何者東林岩霜橫遠亦
靜烟嵐日破重還空千山盡歷暮轉碧一樹不落秋
能紅漸聞鐘聲出杳靄得路誰憐馬僕功

宿少林次韻

萬山微暝一鐘鳴古寺深秋倦客情僧本折蘆番面
壁人非騎鶴故吹笙寒催亂木風交響白動虛巖月
自生慚愧勞勞不成寐丁丁臥聽早樵聲

暑日過雪臺子園庄

蟬聲對色村村似一坐君亭日每斜靜裏柴門惟燕
雀老來樽酒是桑麻年豐鄰里家家麥時至園林處
處花苦熱只今憂赤土幾時龍起沛天涯

城東陂秋泛

返照孤城落木中畫船秋水坐來空影涵樓閣人齊
過香引蒹葭路轉通雲氣襲樽温復冷笛聲將拖地
還東不須預問天邊月波上餘霞閃閃紅

立夏後晴遊我庄

郊出不知昨夜雨日高烟翠濕空林楊花欲盡村村
雲梅子先傳樹樹金笑向市城開俗眼喜從園野見

吾心繞亭奚啻千千竹夏日黃鸝更好音

徐將軍園亭

將軍別墅今停馬五月塘池蓮半紅舉眼江山惟赤
日快人樓閣自涼風穿林竹翠沾衣滿布席葵香撲
酒空平世玉人虛抱武醉來誇挽六鈞弓

詠物二十八首

清明下糧廳題杏花

清明著處花爭發一樹庭前爾獨遲不爲炎天能結
實豈應官署許生枝桃蹊李徑雖多寵撲酒飛簾自
一時已辦青錢貪酪酏合教紅蕾赴深期

柑至

丹橘黃柑世所珍年年隨貢走風塵內廷賜出人人
羨近市收來顆顆勻翻訝久藏香不逸迥疑初摘蒂
猶新金盤玉箸真誰事寂寞文園自病身

菊

世上虛名白髮悲霜前幽壑迥春姿閑巡獨樹真憐
汝醉折寒花欲贈誰官舍野堂渾一色冷風淒露溼
相欺高年漸覺馨香遠萬里徒傷酒一卮

牡丹盛開羣友來看

吾家何處牡丹園楊子岡西古宋原忽有芳菲妍岍
閣豈期車馬駐江村憐香實怕青蘿掩在野虛愁蔓
草繁碧草春風筵席罷何人道有國花存

冬至菊

至日貪看九日花，弄霜吞雪轉宜誇。思將正色留天地，肯使陰陽管歲華。寒蒂已包重放萼，暖根應抱更生芽。書雲莫誤禎祥奏，斗酒東籬自有家。

王左史宅賞冬菊

菊筵元向春前約，共憶霜黃薄。牡丹冬日此逢香，欲暖夜堂偏醉色。終寒閑居四海嗟，吾賞晚歲三杯稱。爾官踈影獨枝看，轉劇好添華燭近高闌。

乙亥春郊圃牡丹盛開，聿予離茲，倏爾四載。實兄蒔藝成功，約客住賞，屬雨發詠焉。

牡丹元種無多本，別久叢分鬱映杯。穠劇秣宜鴿鳥戲，品增疑傍楝花開。支離野圃群葩掩，杳裊春庭細雨來。高會主賓忻並健，衝泥車馬莫空回。

人有送牡丹花至者，與客同賦。

大梁城郭萬人家，大半朱門競此花。不爲國姿寧用折，翫傳賓手轉須嗟。雙牽戲蝶臨書牖，獨惹遊絲撲釣槎。我亦有園新植此，往來無倦出城車。

牡丹賞歸東邊王二子

非因絕代專芳品，豈復郊園守後時。夜靜雨姿應更劇，野寒風蓋莫頻吹。空齋獨憶香仍滿，晴日重尋路不遲。肯擬飛觴留健筆，願扳驄馬護高枝。

霖淫想郊園牡丹

園途雨濘花遥阻倚杖流雲灑北郊縱使彩烟偏國
本豈逾清露足春梢卷心暗蓋須時苦綠濕紅沾任
俗拋傳道魏緋纍滿眼傍株今可結遊庖

郊園餞御史許君屬牡丹盛開

曠圃風郊爾獨開國香仙色敢辭猜若先桃李名應
減縱隔城池客自來穠壓野欄張燕待餞臨官路挽
驄陪萬鬚千萼非容易忍遣臺霜近酒杯

看牡丹晚移席草堂再贈許君

晚坐移花酒並移几鐙窓月轉春姿情真解纜爭侵
夜意不憐香豈盡危洶洶野風誼樹惱冥冥波浪去
途疑亦知仙種貪行豕醉聽鄰鷄是別期

王左史宅賞牡丹

槐庭絃管稱春筵草圃繁華近暮天老爲名花扳自
放醉逢國色轉須憐娟娟影靜金尊裏冉冉香回玉
笛前莫問平章舊時宅沉香亭已入荒烟

郊園牡丹復花客往

問主尋芳客故來百花開盡此花開淒涼野徑堪車
馬爛熳天香只草萊穿葉自由蜂逐逐坐枝頻起燕
迴迴楊花暮合風沙迥繞樹猶傾醉後杯

夏日盆荷階葵芬敷率爾成句

候及名叢每自芳物華清暑倍年光出波翠蓋枝枝
靜入院丹心朵朵香向日豈期回俗眼折筒聊得洗

詩腸不應種榴花奪繞檻巡池淚數行

山行見梅

長至山行梅不遲
攀條觸雨益垂垂
雲暗野橋真獨見
歲寒蜂蝶敢相欺
時心已抱調羹實
久色難銷傲雪姿
愁在不緣鄉國亂
白頭心事本同期

谷園二月梅集

江南梅花苦繁劇
江北有梅花不肥
春枝已矜雪後媚
玉蕊即妨風處稀
金尊綺席不時賞
快馬輕車堪夜歸
遙憶暗香月色動
莫令遽掩東園扉

梅下限韻作

聞說仙芳每避凡
託根長傍竹松巖
那期野圃深隨

酒可柰風花細撲衫
斜日席移春欲透
步叢香起雪猶銜
歲寒朋舊今何處
徒倚裁書手自緘

賞歸憶谷園梅

臨梅真惜先開蕊
後蕊吾歸應更繁
藉草無愁細細落
有蜂只恐垂垂翻
折曾爛熳春携袖
醉記扶踈月坐園
已覺時心向桃李
肯緣孤潔重迴軒

詠蟬

秋來雨多涼氣深
寂寞寒蟬愁暮陰
幸值開晴方聽汝
不緣清切轉關心
故逾叢棘沾沾入
却傍高槐細細吟
曹賦僅能推感激
駱詩徒亦擬同音

和清明後見燕

坐棟穿簾爾亦驚紛紛紅紫徧春城羣衝海霧寒應
阻對語堂花暖却明去住溪山他日夢主賓天地世
人情即論遲暮心難已切恐差池恨轉生

秋日觀白雲生率爾遣興

天際遊雲白裊裊渭陽羈客淚縱橫搏風弄雨有誰
見木落秋、堪自行變幻樓臺畚有態突然龍豹轉
須驚老夫趁此欲登望怪爾輕遮翡翠城

和李大隔牆見予家海棠次其韻

種汝深愁樹不長數年今遽出吾牆臨衢幸不矜全
色隔院應難掩暗香敢向紛紛爭俗眼私憐裊裊麝
時粧臙脂強半喧蜂少倘過同傾花下觴

同雙溪方伯詠石几

栗栗天生白石几癯癯日伴白頭翁清尊淹留不斷
客灌木陰森常自風看處遠浮金玉色移來深仗鬼
神功茲須小物君堪醉取致嵩山萬翠中

石几再賦

確然片石我之几置之堂邊樓在東葱芊海棠上重
綠絢爛盆榴旁小紅性含烟霞不減色光敵玉金常
吐虹老夫有時醉凭汝扣之高歌天暮風

詠陶臺使蘭陽公解五色葵花

炎天小縣葵花好五色空庭日日香開正得時須讓
亦見宜尊禮莫欺黃交枝接葉誰爲衆異蓋同心自

向陽此物煩君獻天子上林閒地草蒼茫

詠餅中柏限韻

愛汝側葉寒能青
挿之銅餅依石屏
晝屯雲氣果不俗
夜飛光芒疑有靈
森聳似學鸞鳳翼
屈曲已具虬龍形
更欲移栽萬仞嶺
待與松桂凌冥冥

為崔後渠詠棗竹亭

崔家孤亭萬竹裏
繞牕栗栗青琅玕
結實當春鳳不餒
託根有地龍且蟠
霜風飄蕭起空谷
美人翠袖生暮寒
彼淇盈盈一水隔
望而不見徒自嘆

空同先生集卷第三十

程